

4. Rješenje objaviti u "Službenim novinama Kantona Sarajevo".

Broj 02-05-475/10
5. jula 2010. godine
Sarajevo

Načelnik
Nedžad Koldžo, s. r.

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novo Sarajevo ("Službene novine Kantona Sarajevo", broj 12/06 - neprečišćen tekst, 14/08 i 25/08), načelnik Općine Novo Sarajevo, 1. jula 2010. godine, verificovao je

ODLUKU

O KOREKCIJI IZMJENA I DOPUNA REGULACIONOG PLANA "KVADRANT "C 1" - MARIJIN DVOR" - POSLOVNI OBJEKAT AC QUATRO

Član 1.

Usvaja se korekcija Izmjena i dopuna Regulacionog plana "Kvadrant "C1" - Marijin Dvor" - poslovni objekat "AC QUATRO", (u daljnjem tekstu: korekcija Plana) "Službene novine Grada Sarajeva", broj 5/06".

Član 2.

Korekcija Plana odnosi se na formiranje kolskog pristupa iz ulice Put života (Sjeverna longitudinala) poslovnom objektu "AC QUATRO", uz izmjenu Planom utvrđene regulacione linije Kampusa Univerziteta.

Područje koje razmatra korekcija Izmjena i dopuna Regulacionog plana "Kvadrant "C1" -Marijin Dvor" ograničeno je:

- sa sjevera ulicom Put života - Sjevernom longitudinalom;
- sa istoka internom saobraćajnicom Kampusa Univerziteta;
- sa juga objektima u sklopu kompleksa "AC QUATRO";
- sa zapada ulicom Hamdije Čemerlića.

Obuhvat korekcije Plana čine parcele k.č. 3355/1, 3355/5 i 3350/2, te k.č. 3048, 3047 i 2402 K.O. Novo Sarajevo I (novi premjer). Korekcijom Plana se omogućava izgradnja kolskog

pristupa planiranom objektu iz ulice Put života (Sjeverna longitudinala).

Korekcija faze saobraćaja u okviru korekcije ovog Regulacionog plana se odnosi na uklapanje planirane servisne saobraćajnice gabarita 6,0 metara (spoj prostora uz postojeću benzinsku stanicu Energopetrol sa parcelom poslovnim objektu "AC QUATRO", uz granicu obuhvata Kampusa) na postojeći priključak na primarnu Gradsku saobraćajnicu Sjeverna longitudinala.

Na ovaj način je omogućeno korektno jednosmjerno priključenje postojećih i planiranih sadržaja na saobraćajnicu Sjeverna longitudinala.

Član 3.

Korekcija Plana sastoji se iz tekstualnog dijela i grafičkog priloga br.5 "Urbanističko rješenje" u mj. 1:1000). Tekstualni dio i grafički prilog korekcije Plana su sastavni dio Izmjena i dopuna Regulacionog plana "Kvadrant "C 1" - Marijin Dvor" ("Službene novine Kantona Sarajevo", broj 5/06).

Član 4.

Korekcija Plana je rađena za faze urbanizma i saobraćaja, a obaveza Investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna regulacionog plana "Kvadrant "C 1" - Marijin Dvor", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novo Sarajevo, Zavoda za planiranje razvoja Kantona Sarajevo, Gradske uprave Grada Sarajeva i Ministarstva saobraćaja Kantona Sarajevo.

Član 6.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-2623/10
1. jula 2010. godine
Sarajevo

Načelnik Općine
Novo Sarajevo
Nedžad Koldžo, s. r.

OPĆINA ILIJAŠ

Općinsko vijeće

Na osnovu člana 1., 3., 6., 25., 26., 34., 47.a i 48. Uredbe sa zakonskom snagom o ustanovama ("Službeni list RBiH", broj 6/92, 8/93 i 13/94), člana 55. i 56. Statuta Općine Ilijaš, prečišćeni tekst ("Službene novine Kantona Sarajevo", broj 20/09), člana 27. Odluke o osnivanju Ustanove "Kulturno-sportski centar i Radio Ilijaš" Ilijaš ("Službene novine Kantona Sarajevo", broj 2/00) i člana 99. Poslovnika Općinskog vijeća Ilijaš ("Službene novine Kantona Sarajevo", broj 2/10), Općinsko vijeće Ilijaš na svojoj redovnoj 23. sjednici održanoj 30. juna 2010. godine, u svojstvu osnivača Ustanove u državnoj svojini za obrazovanje, kulturne manifestacije i djelatnosti iz oblasti fizičke kulture i sporta, na prijedlog predlagača, donosi

ODLUKU

O IZMJENAMA I DOPUNAMA ODLUKE O OSNIVANJU USTANOVE "KULTURNO-SPORTSKI CENTAR I RADIO ILIJAŠ" ILIJAŠ

Član 1.

Član 1. Odluke o osnivanju Ustanove "Kulturno-sportski centar i Radio Ilijaš" Ilijaš (u daljnjem tekstu: Odluka) broj 01-I-02-1077/99 od 23. septembra 1999. godine ("Službene novine Kantona Sarajevo", broj 2/00) mijenja se i glasi:

"Općinsko vijeće Ilijaš ocjenjuje da za osnivanje Ustanove "Kulturno-sportski centar i Radio Ilijaš" Ilijaš, postoji javni interes i stoga za obavljanje javne službe iz djelatnosti obrazovanja, nauke, kulture, fizičke kulture, sporta i drugih registrovanih djelatnosti Ustanove, osniva:

JAVNU USTANOVU "KULTURNO-SPORTSKI CENTAR I RADIO ILIJAŠ" ILIJAŠ

(u daljnjem tekstu: "Ustanova")

Ova Odluka sadrži:

- naziv osnivača,
- naziv i sjedište Ustanove,
- djelatnost Ustanove,
- iznos sredstava za osnivanje i početak rada i način njihovog obezbjeđivanja,
- izvore i način obezbjeđivanja sredstava za rad Ustanove,
- međusobna prava i obaveze između osnivača i Ustanove,
- način raspolaganja viškom prihoda nad rashodima i način na koji se pokriva višak rashoda nad приходima,
- prava, obaveze i odgovornosti Ustanove u pravnom prometu,
- lice koje će do imenovanja organa rukovođenja predstavljati i zastupati Ustanovu i njegova ovlaštenja i odgovornosti,
- rok za donošenje Pravila Ustanove, imenovanja organa upravljanja i rukovođenja Ustanove,